

續  
文  
獻  
通  
考

續文獻通考卷之一百七十四

皇明進士雲間王圻纂輯

經籍考 禮

儀禮議 夏正士禮儀畧舉要各十卷 陸佃著佃山陰人所著又有禮記解述禮新說大裘議

類註儀禮 黃士毅著士毅字子洪莆田人朱文公命日觀一書夜叩所見告以靜坐勿雜喚醒勿昏居數月授以大學章句終其身從事於斯

儀禮解 葉味道著味道溫州人嘉定中進士理宗訪問朱熹門人使者以味道對授大學博士兼崇政殿說書儀禮合抄損增 高斯得著出處見前

儀禮集說 敖繼公著

儀禮逸經八篇 吳澂纂次序曰漢興高堂生得儀禮十七篇後魯共王壞孔子宅得古文禮經於孔氏壁中凡五十六篇河間獻王得而上之其十七篇與儀禮正同餘三十九篇藏在秘府謂之逸禮哀帝初劉歆欲以列之學官而諸博士不肯置對竟不得立孔鄭所引逸禮中雷禮禘於太廟禮王居明堂禮皆其篇也唐初猶存諸儒不以爲意遂至於亡惜哉今所纂八篇其二取之小戴記其三取之大戴記其四取之鄭氏註奔喪也中雷也禘於太廟也王居明堂也固得儀禮三十九篇之四而投壺之類未有考焉疑古禮逸者甚多不止於三

十九也投壺奔喪篇首與儀禮諸篇之體如一公冠等三篇雖已不存有此例蓋作記者刪取其要以入記非復正經全篇矣投壺大小戴不同奔喪與逸禮亦異則知此二篇亦經刊削但未如公冠等篇之甚耳五篇之經文殆皆不完然實爲禮經之正編則不可以其不完而擯之外記也故特纂爲逸經以續十七篇之末至若中雷以下三篇其經亡矣而篇題僅僅見於註家片言隻字之未泯者猶必收拾而不敢遺亦我愛其禮之意也儀禮傳十篇 吳澂纂次序曰按儀禮有士冠禮士昏禮戴記則有冠禮昏禮儀禮則有鄉飲酒禮鄉射禮大射禮戴記則有鄉飲酒義射義以至於燕聘皆然蓋周末

漢初之人作以釋儀禮而戴氏抄以入記者也今以此諸篇正爲儀禮之傳故不以入記依儀禮編次粹爲一篇文有不次者頗爲更定射義一篇迭陳天子諸侯卿大夫士之射雜然無倫釐之爲鄉射義大射義二篇士相見義公食大夫義則用清江劉氏原父所補並因朱子而加考詳焉於是儀禮之經自一至九經各有其傳矣惟覲義闕然大戴朝事一篇實釋諸侯朝覲天子及相朝之禮故以備覲禮之義而共爲傳十篇云

周官講義十四卷 史浩著

周禮總說 喬行簡著行簡東陽人紹熙進士端平間累官左右丞相

補正古周禮 胡一桂撰

校古禮釋文一卷 釋誤三卷 張淳著

周禮說 馬之純著

周禮通解 聞人宏著

周官辯畧 徐煥著

禮經會元 葉時著時仁和人與朱文公相友善累官至  
龍圖閣學士謚文康所著又有竹垞詩集

禮經纂要 周昌著

周禮總義 周禮釋疑 易祓著

陳戒叔周禮解 漳州陳兢著兢字戒叔紹興進士 龍

溪余嘉亦有周禮解

周禮辯學 王居正著

周禮解義 漳州黃穎著 又龍溪余嘉靖著周禮解

周官辯疑 德興董濬著

周禮集解 興化黃鍾器之著

周禮辯一篇 金楊雲翼著雲翼字之美樂平人初學語  
即畫地作字日誦數千言登明昌五年進士第一累官  
翰林學士

周官攷正 吳澄纂次其序曰周官六篇其冬官一篇闕  
漢藝文志序列於禮家後人名曰周禮文帝嘗召至魏  
文侯時老樂工因得春官大司樂之章景帝子河間獻  
王好古學購得周官五篇武帝求遺書得之藏於秘府

禮家諸儒皆莫之及。帝時劉歆校理秘書始著於錄畧以考工記補冬官之闕。歆門人河南杜預春能通其學。鄭衆賈逵受業於杜。漢末馬融傳之。鄭玄所註今行於世。宋張子程子甚尊信之。王文公又爲新義。朱子謂此經周公所作。但當時行之恐未能盡。後聖雖復損益可也。至若肆爲誹詆訾毀之言。則愚陋無知之人耳。冬官雖闕。今仍存其目。而考工記別爲一卷附之。經後云。

周禮纂言 吳當著。當澄之孫。通經史百家官翰林學士。

周禮補亡

丘葵著。葵同安人。刻志爲學。不求人知。自號

釣磯翁。取五官中錯簡成書。因名補亡。

周官考三卷

臧夢解著。夢解鄞人。宋末進士。仕元至廣



東廉訪使博學洽聞爲時名儒嘗者座右四銘以自儆  
士大夫稱之曰魯山先生

倣周禮書一卷 諸暨王冕著倣周禮而爲之秘不使人  
觀嘗撫卷曰吾未即死持此遇明主伊呂事業不難期  
也

東陽二何君周禮義一卷 內舍生何夢申與弟叅知政  
事夢然所作各一首皆近道之言五世孫觀光裝裱成  
卷宋潛溪題而藏之

王制井田圖 阮逸著

禮記公羊穀梁等疏 舒雅編纂雅旌德人好學善屬文  
所纂又有文苑英華

禮記解二十卷 何述著述字明道浦城人登元豐進士  
第以徽猷閣待制知永興軍

禮記纂義 蘭溪應鑄著

禮記解 龍溪黃樵仲著 又有晉江呂椿著

禮經類說 余復著復寧德人光宗初策士大庭覽復所  
對曰余復直而不訐擢第一後入史館兼實錄檢討

集解小戴記 岳珂著珂飛之孫也

月令解十二篇 張處著處慈溪人仕于理宗朝嘗謂月  
令雖出於呂不韋而王者後天以奉天時此書不可缺  
乃爲月令解十二篇以進

考工記解 林希逸著

禮記註 何炎著

王制章句 陳埴著

禮辯二十三卷 井研李心傳著

禮義解 韓惇著

禮問三十卷 興化林震著

三禮發微 趙敦臨著敦臨奉化人紹興進士爲承議郎

禮論一篇 章望之著望之得象于志氣宏放長於議論

初爲校書郎後以光祿寺丞致仕 寧宗時朱熹乞修

三禮劄子曰臣聞六經之道同歸而禮樂之用爲急遭

秦滅學禮樂崩壞漢晉以來諸儒補輯竟無全書其頗

存者三禮而已周官一書固爲禮之綱領至其儀法度

數則儀禮乃其本經而禮記郊特牲冠義等篇乃其義  
疏耳前此猶有三禮通禮學究諸科禮雖不行而士猶  
得以誦習而知其說熙寧以來王安石變亂舊制廢罷  
禮儀而獨存禮記之科棄經任傳遺本宗末其失已甚  
而博士諸生又誦虛文以供應舉其間亦有因儀法度  
數之實而立文者則咸幽冥而莫知其源一有大議率  
用耳學臆斷而已若乃樂之爲教則又絕無師授律尺  
短長聲音清濁學士大夫莫有知其說者而不知其爲  
闕也故臣頃在山林嘗與一二學者考訂其說欲以儀  
禮爲經而取禮記及諸經史雜書所載有及於禮者皆  
以附於本經之下具列註疏諸儒之說畧有端緒而私

家無書檢閱無人抄寫久之未成會蒙除用學徒分散  
遂不能就而鍾律之制則士友間亦有得其遺意者竊  
欲更加參考別爲一書以補六藝之闕而亦未能具也  
欲望聖明特詔有司許臣就秘書省太常寺閱借禮樂  
諸書自招舊日學徒十數人假空閒官屋數間與之居  
處令其編類雖官人亦不繫銜請俸但乞逐月量支錢  
米以給飲食紙札油燈之費其抄寫人即乞下臨安府  
差撥貼司二十餘名候結局日量支犒賞別無推恩則  
於公家甚無費用而可以興起廢墮垂之永久使士知  
實學異日可爲聖朝制作之助以斯文幸甚天下幸甚

二禮祭祀述畧 資州黃澤著

伊洛禮書補亡 永嘉陳傳良著

祭禮十四卷 家禮雜說 附註二卷 楊復著復字志

仁信安人受業朱文公之門

集解踐祚篇 四明王應麟著

禮記解 顏棫著棫字叔堅永春人淳熙中以上舍釋褐

累官至吏部尚書 邵困范鍾方慈劉燾楊炳皆有解

周禮禮記註 餘杭趙汝談著

禮記義 戚衮著

戴記心法 徐畸著畸蘭谿人號南夫

禮記通攷 繆主一著

禮記正義一卷 鄭樸翁著温州人

禮講解 奉化舒璘著

禮記集說 陳澍著澍都昌人號雲莊潛心禮學

禮學舉要 禮學從宜 仙遊鄭鼎新著鼎新嘉定中登

第從黃幹楊復遊

明堂訓解 姚舜仁著

喪禮 黃宜著

冠昏記 錢時著

禮典三卷 遼重熙十五年詔翰林都林牙蕭韓家奴曰

古之治天下者明禮義正法度我朝世有明德雖中外

嚮化然禮書未作無以示世卿可與庶成酌古準今制

爲禮典事或有疑與南北院同議家奴乃博考經籍自

天子達庶人情文制度可行於世不謬於古者譔成三卷進之

纂修儀禮雜錄四百餘卷 金世宗時命禮部尚書張暉等叅校唐宋典故沿革開詳定所以議禮設詳校所以審樂統以宰相精學術者至明昌初書成凡事物名數支分派別珠貫綦布井然有餘燭然如丹後衛紹王大安中楊雲翼等重校名大金儀禮

禮例纂一百二十卷 諸禮記錄若干卷 金張行簡著行簡字敬甫日照縣人暉之子也大定十九年進士第一仕至銀青榮祿大夫

太常集禮 元李好文著好文東明人至治間爲翰林國



史院編修上言祖宗建國以來每遇大禮皆臨時編纂因出架閣文牘以成此書

雜禮纂要數十卷 惠希孟著希孟江陰人學問該博雜書纂述 胡炳文著炳文婺源人元初爲信州山長篤志朱子之學

三禮說 蕭軒著軒奉元人博極群書及門受業者甚衆稱爲醇儒

三禮旁註 韓信同著出處見前

三禮叙錄 吳澂纂次其序曰儀禮十七篇漢興高堂生得之以授瑕丘蕭奮奮授東海孟卿卿授后舍舍授戴德戴聖大戴小戴及劉氏別錄所傳十七篇次第不同

同尊卑吉凶先後倫序惟別錄爲優故鄭氏用之今行於世禮經殘缺之餘猶有此十七篇爲完書以唐韓文公尚苦難讀况其下者乎自宋王文公行新法經義廢黜此經學者益罕傳習朱子考定易書詩春秋四經而謂三禮體大未能緒正晚年欲成其書於此至惓惓也經傳通解乃其編類草藁將俟喪祭禮畢而筆削焉無祿弗逮遂爲萬世之闕典徵每伏讀而爲之惋惜竊謂樂經既亡經僅存五易彖傳本與係辭文言說卦序卦雜卦諸傳共爲十翼居上下經二篇之後者也而後人以入卦爻之中詩書之序本自爲十篇居國風雅頌典謨誓誥之後者也而後人以冠各篇之首春秋三經三

傳初皆列行公穀配經其來已久最後注左氏者又分傳以附經之年何居夫傳文序與大經混淆不惟非所以尊經且於文義多所掇捭歷千數百年而莫之或非也莫之或正也至東萊呂氏始因晁氏本定爲經二篇傳十篇朱子於詩書各附篇端小序合而爲一以實經後春秋一經雖未暇詳校而亦別出左氏經文併以刊之臨漳於是易書詩春秋悉復夫子之舊五經之中其未爲諸儒所亂者惟二禮經然三百三千不存蓋失之久矣朱子補其遺闕則編類之初不得不以儀禮爲綱而各疏其下脫藁之後必將有所科別決不但如今藁本而已若執藁本爲定則經之章也而以後記補

記補傳分隸於其左也與彖象傳之附易經者有以異乎否也經之篇也而以傳篇記篇補篇錯處于其間也與左氏傳之附春秋經者有以異乎否也夫以易書詩春秋之四經既幸而正而儀禮之一經又不幸而亂是豈朱子之所以相遺經者哉徒知尊信草創之書而不能探索未盡之意亦豈朱子之所以望後學者哉嗚呼由朱子而來至於今將百年然而無有乎爾激之至愚不肖猶幸得以私淑于其書是以忘其僭妄輒因朱子所分禮章重加倫紀其經後之記依經章次秩叙其文不敢割裂一仍其舊附於篇終其十七篇次第並如鄭氏本更不間以他篇庶十七篇正經不至襍揉二戴之

記中有經篇者離之爲逸經禮各有義則經之傳也以戴氏所存燕劉氏所補合之而爲傳正經居首逸經次之傳終焉皆別爲卷而不相紊此外悉以歸諸戴氏之記朱子所輯及黃氏喪禮楊氏祭禮亦參伍以去其重復名曰朱氏記而與二戴爲三凡周公之典其未墜于地者蓋畧包舉而無遺造化之運不息則天下之所秩未必終古而廢壞有議禮制度考文者出所損所益百世可知也

校正小戴記三十六篇 吳澂序次序曰漢興得先儒所記禮書三百餘篇大戴氏刪合爲八十五小戴氏又損益爲四十三曲禮檀弓雜記分上下馬氏增以月令明

堂位樂記鄭氏從而爲之注總四十九篇精粗雜記靡所不有秦火之餘區區掇拾所謂存十一於千百雖不能醇然先王之遺制聖賢之格言徃徃頽之而存第其詩篇出于先儒著作之全書者無幾多是記者旁搜博採勦取殘編斷簡會粹成篇無復詮次讀者每病其雜亂而無章唐魏鄭公爲是作類禮二十篇不知其書果何如也而不可得見朱子嘗與東萊先生呂氏商訂三禮篇次欲取戴記中有關于儀禮者附之經其不係於儀禮者仍別爲記呂氏旣不及答而朱子亦不及爲幸其大綱存於文集猶可攷也晚年編校儀禮經傳則其條例與前所商訂又不同矣其間所附戴記數篇或削

本篇之文補以他篇之文今則不敢故止就本篇之中  
科分節別以類相從俾其上下章文義聯屬章之大指  
標識於左庶讀者開卷瞭然若其篇第則大學中庸程  
子朱子既表章之以與論語孟子並而爲四書固不容  
復廁之禮篇而投壺奔喪實爲禮之正經亦不可以雜  
之於記其冠義婚義鄉飲酒義射義燕義聘義六篇正  
釋儀禮別輯爲傳以附經後矣此外猶有三十六篇曰  
通禮者九曲禮內則少儀玉藻通記小大儀文而深衣  
附焉月令王制專記國家制度而文王世子明堂位附  
焉曰喪禮者十有一喪大記雜記喪服小記服問檀弓  
曾子問六篇記喪而大傳問傳問喪三年問喪服四制

五篇則喪之義也曰祭禮者四祭法一篇記祭而郊特牲祭義祭統三篇則祭之義也曰通禮者十有二禮運禮器經解一類哀公問仲尼燕居孔子閒居一類坊記表記緇衣一類儒行自爲一類學記樂記其文雅馴非諸篇比則以爲是書之終嗚呼由漢以來此書千有餘歲矣而其顛倒糾紛至朱子始欲爲之是正而未及竟豈無望于後之人歟用敢竊取其義修而成之篇章文句秩然有倫先後始終頗爲精密將來學禮之君子於此考信其有取乎非但爲戴氏忠臣而已也

校正大戴記三十四篇 吳澂序次序曰按隋志大戴記八十五篇今其書闕前三十八篇始三十九篇終八十



一當爲四十三篇中間第四十三第四十四第四十五  
第六十一四篇復闕第七十三有二總四十篇據云八  
十五篇則末又闕其四或云止八十一皆不可考竊意  
大戴類萃此記多爲小戴所取後人合其餘篇仍爲大  
戴記已入小戴記者不復錄而闕其篇是以其書冗泛  
不及小戴書甚蓋彼其膏華而此其查滓爾然尚或間  
存精語不可棄遺其或小戴重者投壺哀公問也投壺  
公冠諸侯遷廟釁廟四篇旣入儀禮逸經朝事一篇又  
入儀禮傳哀公問小戴已取之則於彼宜存于此宜去  
此外猶三十四篇夏小正猶月令也明堂猶明堂位也  
本命以下雜錄事辭多與家語荀子賈傳等書相出入

非專爲記禮設禮運以下諸篇之比也小戴文多綴補  
而此皆成篇故其篇中章句罕所更定惟其文字錯誤  
參互考校未能盡正尚以俟好古博學之君子云

禮記纂言 吳澄著

禮記集義 陳櫟著櫟休寧人致力聖賢之學涵濡玩索  
貫串古今

禮記說 韓性著 又黃舜祖著

禮記集說四十九卷 彭絲著絲安福人父應龍弟齊叔  
父子兄弟自相師友俱以著述爲業

喪禮服制考 豫章周成大著

禮經約 楊維禎著維禎諸暨人舉進士爲江西提舉元

亡不仕

大禮記數卷

張宏圖著宏圖字巨濟楮清人以宋朝記

禮者多訛舛因著此書

三禮考註

康宗武著康孫當足成

周禮考次

方希古著

儀禮義記附著

考定深衣古制

黃潤玉著

深衣考

夏言著

周禮集註

何椒丘著

檀弓叢訓

楊用修著

禮記節疏

司業張業著業安福人

禮記正訓

鎮江知府劉績著績江夏人

周禮定本 修撰舒芬著芬進賢人

周禮註解 刑部尚書何喬新著喬新南城人

三禮訂疑 尚書湛若水著若水增城人

儀禮逸經十八篇 劉有年著于永樂中上之

禮記類禮 周禮考註 梁寅著

周禮集說 浦陽宋濂著

續文獻通考卷之一百七十四終

續文獻通考卷之一百七十五

皇明進士雲間王圻纂輯

經籍考 論語學庸孟子小學孝經五經總解

論語義十卷 湯起巖著起巖貴池人父恭族姪知營道

縣有清名秩滿歸擇居寶峰治小圃爲樂所著又有詩

五十卷

論語發微 吳沆著沆崇仁人幼孤事母孝政和間獻書

不用歸隱環溪

論語孟子畧解 邵武上官愔著

論語解說十卷 邵武李綱著

論語會議 胡憲著憲字厚仲安國從子號藉溪先生卒

謚靖廉

論語詳說 胡寅著寅安國子登進士靖康初召爲校書郎又從楊時學東遷起居郎

論語重蒙說 柴中行著

編次論語 陳琰編

論語解 饒子儀著喻樸徐存王十朋高元之湯建皆有

論語集義 朱文公集

論語註義問答 陳宓著

論語傳 楊簡著

論語註 孟子註 趙汝談著

論語大意十卷 大學解十卷 中庸約說一卷 孟子

解十四卷 趙善湘著

論語口義二十卷 史浩著

論語紀蒙 孔子家語集 孟子紀蒙 陳蒼卿著

論語本旨 姜得平著

論語衍義 論語通旨 孟子通旨 王柏著

論語說 馬之純著

論語大義 論語贅說 時少章著

論語纂 葉由庚著

論語約說 大學說 薛季宣著

晦菴論語語類 潘墀著

論語訓蒙 俞樾著



論語外書 戴良輯

石鼓論語問答 麗澤論語集 戴溪著

論語傳贊 中庸集傳 錢文子著

論語指要 任士林著 士林字叔實自蜀綿竹徙奉化至

大中爲安定書院山長

論語問答畧 吳英著 英字茂實邵武人紹興進士從學

朱熹

論語類觀 黃緩著

論語講義 呂本中撰

論語意源 鄭汝諧著 汝諧青田人累官至信州孝宗以

威而能惠褒之

論孟講義

林子奇著出處見前

論孟解

黃宙著宙晉江人第進士居鄉講授門人多登

科石起宗其一也

東淵論孟講義

龍溪王遇著

家塾編次論語

李舜臣著出處見前

論孟俗解

李興宗著興宗臨江人舉進士早有雋聲仕

至國子博士以清節著號謙齋

論語解

許翰著

論語講說

沙縣蕭山著

論語十說

吳棫著棫字才老建安人時號通儒所著又

有考異語解

論語集說 孔元龍著

論孟會編 洙泗遺編 樂平丞相馬廷鸞著

記孟記問 學庸纂述 學庸十一圖 餘干饒魯著元

吳澄跋其書曰先生於學究夫夫人於教動則以善可  
謂有功名教者

論孟遺藁 光澤李郁著

論語孟子解各十卷 中庸說一卷 金趙秉文刪集

論語孟子考證 金華儒士金履祥著門人東陽許謙序

之曰聖賢之心盡在四書而四書之義備于朱子顧其  
立言辭約意廣讀者惟得其粗而不能究其義或以一  
偏之致自異而不知未離其範圍世之詆訾貿亂務爲

新奇者其弊正坐此耳此金先生考證之所由作也

陳沂大學論語說 沂字伯濕光祖之子

論語人物志 蒲田黃季全纂

孔子集 薛搜編

論語集義一卷 王鶚著鶚曹州東明人幼聰悟日誦千

言金哀宗時狀元世祖即位首授翰林學士承旨知制

誥典章制度皆所裁定所著又有應物集汝南遺事

論語本意中庸大學章旨 鄭奕夫著奕夫字景允鄞人

清之曾孫嘗爲浮梁州教授

大學中庸論語解 喻樗著樗建德人少慕伊洛之學受

業於楊時建炎中登進士累官工部員外郎

大學中庸註釋 方逢辰著出處見前

大學說中庸致用書 何夢桂著出處見前

大學中庸輯畧 石塾著塾新昌人與朱熹爲友號克齋

中庸大學解 陳孔碩著孔碩字膚仲侯官人韓之父也

居官有循吏風

中庸解三卷 熊節著節字端操建陽人十歲讀易日誦

二卦即知問難至通曉而後止累官通直郎致仕

中庸解 徐存著 曾貞亦著

大學中庸發揮 何基著

中庸講義 鄭霖著

大學集傳 樂平馬端臨著

大學稽疑 何希是著又有太極圖說史傳集論詳見前

大學中庸章句箋註 建安鄭儀孫著

大學講義 吳季子著季子字節卿邵武人酷學能文寶祐四年進士官至國子監丞號裕軒

中庸大學講藁 晉江黃必昌著

大學衍義 真德秀著德秀浦城人三歲受書過目成誦慶元中登進士學以朱文公爲宗慨然以斯文自任

大學廣義 四書標題 元熊禾著

大學直說 許衡著

中庸章句二卷 黃鎮成著

大學章句疏義 金履祥著

續文獻通考 卷之一百七十五

學庸通旨 黃潤著

大學審明 中庸提綱 陳華著

大學補畧 傅淳著

孟子解義 尤溪周諤著 諤熙寧進士不行王安石新法而歸時稱爲周夫子

孟子指要 朱文公著

孟子解 袁甫著 甫熒子學於楊簡以斯道自任

孟子指義 傅子雲著 子雲金谿人學以明善知本爲先言行動中規矩

孟子大義 孟子贅說 俱時少章著

孟子通義 葉夢得著 夢得湖州人建炎中以尚書左丞

遷崇慶軍節度

刺刺孟 金劉章著

孟子權衡遺說五卷 東平李昶著

四書管見 錢時著出處見前

四書大學講義 四書說 葉味道著出處見前

四書管窺 胡仲雲著仲雲高安人通經史百家寶祐中

進士又著大經蠡測歷代遺論宋朝政論文集三十卷

四書講義 吳昌裔著昌裔得程頤朱熹諸書研繹不倦

舉嘉定進士歷官寶章閣待制致仕

薛公四書講義 薛大猷著大猷湯陰人蚤中甲科隱居

教授學者多宗之 邵大椿李應龍亦有四書講義



四書纂釋 安福劉霖著

四書箋義 南昌趙德著

四書新說 李序著

四書家說 季守鏞著

四書輔註 宋綬著

四書易編 牟子才著

四書攷義 趙欽成著

四書訓解 張文選著

四書指要二十卷 鄭樸翁著

四書約說 趙新著

四書纂疏 趙順孫著

四書詳說 王庶著

四書問答 崇德輔廣著

四書考證 崇德衛富益著

四書衍義 丘潮著

四書集解 陳舜申著

四書集成 童伯羽著伯羽字蜚卿甌寧人朱文公扁其樓曰醉經堂曰敬義鄉人稱敬義先生

四書說約 華亭田疇著

四書集註附錄 祝洙著洙穆之子也

四書口義 陳淳著淳字安卿龍溪人得朱文公近思錄遂棄舉子業而學焉融貫義理洞見條緒學者稱北溪

先生

四書通說

莆田黃績著

四書講義

莆田黃仲元著

四書精要三十卷

劉因著因保定容城人天資絕人日

記千百言過目即成誦隱居教授師道尊嚴弟子造其門者隨材教之皆有成就所居扁曰靜修學者稱爲靜修先生

四書辯疑

孟憲伯著

四書集解

寧德陳尚德著

四書解說

何逢原著

四書管窺

又管窺外編

史伯濬著伯濬平陽人精究

四書得朱子之旨

四書述義 朱謚著

四書備遺 天台陶宗儀著

四書提綱 胡一桂著

四書纂類 蔣允汶著

四書疑義篇 牟楷著

四書通辯 陳綱著

四書圖 吳成著

續四書叢說二十卷 許謙著出處見前

四書約說四篇 四書通旨六卷 金華朱公遷著出處

見前

四書日講 同安丘葵著

四書闡疑 真定詹思著

四書圖解 林起宗著

四書表義 杜本著本清江人沉靜寡欲於天文地理律

呂度數無不通究尤工篆隸所著又有六書通編十原

等書屢召不起爲世所尚學者稱爲清碧先生

志學指南 心學淵源二圖 俱林起宗著起宗內丘人

自幼力學嘗從劉因遊深得道學之旨旣而教授於鄉

後學多宗之嘗著大學論語孟子中庸諸圖解及志學

指南心學淵源二圖發明魯菴家說等書

四書辯疑 大學指掌圖 俱胡炳文著出處見前

四書章圖總要 婺源程復心著會輔氏黃氏之說而折衷之章爲之圖圖爲之說故以名書

四書發明 陳櫟著出處見前

四書輯釋 倪士毅著出處見前

四書一貫數十卷 黃清老著清老邵武人天資穎悟五歲日記數千言泰定中舉進士署官翰林編修

四書拾遺 南樂張淳著

四書箋惑 大學章句纂要 四書述義通 俱蔣玄著

宋景濂曰玄饒於賢產脫去華靡聚書萬卷致力其中

四書講義 晉江傅定保著

語孟旁通 桂瑛著瑛字文玉霸州信安人金將亡避地

河南綏氏山中世祖時召見欲大用辭疾歸天曆中贈  
資德大夫翰林學士上護軍追封魏國公謚文獻  
大學中庸雙說 上猶黃文傑著倣許魯齋直講補完之  
者又有文獻稿郡學志

古本大學註 王文成公守仁著

四書詳說 蒲霍二州學正曹端著

四書心法 無錫侍讀學士王達著

四書解義 常熟修撰張洪著

學庸心法 郊縣左春坊贊善李希顏著

四書因問 高陵禮部侍郎呂楠著

學庸問答 新建興國司訓郭昇著

四書釋要 鄱陽何英著

學庸通旨 金谿金都御史吳世宗著

皇王大學通旨 宜春劉廸簡著

四書蒙引 提學副使蔡清著清晉江人

四書詳說 山西布政王應鳳陽著

小學辯惑 僉事陳祚著祚吳縣人

小學集解 常熟副都御史吳諤著

小學旁註 休寧學士朱升著

孝經

古文孝經序贊 洪興祖著出處詳前

孝經註 六經講義 俱胡子實著

續文獻通考卷之一百七十五



孝經解 何初著 方逢時亦著

孝經傳贊 胡一桂著

孝經義疏 盡孝經圖一卷 吳李之尤著孝光樂清人

少博學篤志隱居教授至正中徵受秘書監以文章負

名所著又有孝經義疏

孝經衍孝編 陳少愚著少愚青陽人少好學博通群書

孝經章句 吳徵著 都昌馮椅亦著

孝經圖解 林起宗著

孝經註 許衡著

孝經集註 光澤李應龍著

志孝六篇 晉江錢稊著

孝說 袁甫著詳見前

孝經旁訓 華亭沈易著

孝經新說 浦陽宋濂著

經解總

七經中義百七十卷 劉晏著晏懷安人幼從胡瑗學善

治水第進士爲胸山令凡所以惠民者無不至邑人紀

其事目曰治範

周易洪範中庸解 俱鄭耕老著耕老字穀叔興化人紹

興中進士以道理最大一言講述於孝宗前親擢國子

監主簿

經辯四十九篇 秦和蕭楚著楚紹聖時遊太學胡銓其

門人也

諸經講義集解 危稹著稹字逢吉臨川人淳熙十四年

進士官著作郎知漳州

諸經講義若干卷 寧都胡楚著

五經講義 餘干饒魯著

雜著經說 姜少虞作

嘉定講經葉 錢時著

諸經補蒙 李慤著

五經問難 陳剛著

經傳雜志 陳宗儒著

五經論 車卿著

六經圖 葉仲經著

諸經釋疑 王士奇著士奇字永叔福安人嘗書其門曰  
立行孰先惟孝弟傳家有後是詩書

六經問答 唐懷德著

魯經章句 王柏著

五經疏義 孔維著維雍丘人乾德中以九經及第爲國  
子博士累遷國子祭酒

詩書禮易直解 晉江陳研著研乾德中進士也

講義五卷 沙縣羅畸著從彥從兄弟也

經說三十篇 楊汝南著汝南字彥侯龍溪人擢紹興進  
士爲廣州教授撫詩禮中庸春秋四旨以授學者仍表

進於朝

六經解 唐仲友著仲友金華人登第中宏詞科博聞洽識講析經史

六經集傳 樂平馬廷鸞著

易周禮說 永春黃以翼著

九經輯義五十卷 分寧雷光霆著

六經辯疑 晉江梁南一著

五經解疑 鄭君老著君老字邦壽長溪人咸淳四年進

士家居孝友學者宗師之卒私謚曰靖節先生

九經解 黃補著補字季全莆田人潛之後官高要縣尉

書春秋周禮說 林之奇著之奇字少穎侯官人力攻王

安石之學由宗正丞提舉閩舶叅帥議致仕號拙齋

尚書詩禮春秋閑言 黃君俞著君俞字廷僉莆田人宋

初以大臣論薦召試舍人院除國子監直講

詩解中庸語孟解 龍溪黃種著樵仲弟也

五經講義 徐存著

易詩書論語輯說 都昌馮椅著

易書通解 五經日記 德興王葵著

易詩書雜說 吳師道著師道浙江人

春秋語孟註 鄒補之著補之浙江人

易書詩解 中庸發題共五十卷 長溪孫龍坡著

群經滯穗百篇 宋藻著藻字去華興化人紹興中擢第

孝宗時召對九四敷陳移時以勁直褒之後奉祠歸講學里社

兼山語解 黃永存著永存字堅更邵武人中美第四子

紹興中登第其孫大昌隱德不仕

經書訓義 薛季宣著

詩解春秋解 語孟師說中庸說 沙縣羅仲素著

宋叔履易禮記詩解 宋叔禮字叔履龍溪人泰嘉中知

潮州海陽縣

五經辯疑 南昌趙德著德宋宗室也隱居浙之東湖

詩易春秋解 林萬頃著萬頃字叔度福清人同安人

良規有六經語孟解

易詩論語後漢曆志解各一卷 高元之著

六經考 金馬定國著又嘗著石鼓辨萬餘言大要謂以

字書考之是宇文周時所作出傳記引據甚明

大學尚書口義三十卷 元熊禾著

易書論語說 仁壽虞剛簡著

毛方山六經解 毛璞著璞瀘州人號方山子

五經思問 真定詹思著思少穎異博極群書泰定初以

遺逸徵召尋辭歸後官至江東廉訪使

易春秋學而述解 六經發明 元城潘迪著

陳氏經解 陳樵著

七經補註 陸正著正浙人

續文獻通考卷之二百七十五



五經鈐鍵 楊維禎著

詩經演義 王庶熙陽著

群經類要 洪武六年 命孔克堅劉基林溫等註釋

五經四書及性理大全 永樂十三年 命胡廣等于傳

註之外諸儒議論有相發明者增附其下至是成頒中

外

經集格言 王恕著恕字宗實三原人正統戊辰進士官

吏部尚書 太子太保卒贈左柱國太師謚端毅

五經疑辯錄 成化中禮部右侍郎周洪謨著奏進 憲

宗以紛更舊錄不准

經書補註 黃潤玉著

易象春秋傳說 崔文敏著

升菴經說 經書指要 經義模範 楊用脩著

五經集錄 薛惠著

五經說 禮部侍郎呂楠著楠高陵人

五經通旨 國子祭酒王勅著勅歷城人

五經解義 修撰張洪著洪常熟人

五經心義 王崇慶著

黃預書解 預字機先龍溪人以直忤蔡京貶卒

春秋精義 詩書直解 禮記解 俱晉江呂椿著

易解 春秋傳 考工記解 林希逸著希逸字樸翁福

清人官終中書舍人號獻齋

學易編 誦詩訓 春秋考 禮辯 俱并研李心傳著

孝經圖解 四書圖解 內丘林起宗著

易春秋二經解 九江黃澤著澤以明經學道爲志嘗爲

景星書院山長

續文獻通考卷之

續文獻通考卷之一百七十六

皇明進士雲間王圻纂輯

經籍考 樂律 小學 字學 儀注 史

樂律

太平雅頌十篇 葛宮著宮江陰人善屬文舉進士授中  
正軍掌書記上太平雅頌十篇真宗嘉之

樂論十二篇 鍾律制議并圖三卷 俱阮逸著逸建陽  
人仕爲鎮東軍節度推官景祐初與胡瑗俱召赴闕命  
同校鍾律分造鐘磬各一簇皇祐中更鑄太常鍾磬又  
召瑗逸與近臣太常官議於秘閣遂典作樂事

柳耆卿樂府 柳永著永崇安人景祐中第進士工詞章

尤善樂府范鎮嘆曰仁宗四十年太常鎮在翰苑不能  
出一語咏歌乃于耆卿見之

古樂府 潘昉著昉聞縣人端平初進士對制策語最直  
時論韙之

樂論樂器圖樂律 沈括著出處見前

紹興樂府十二章 宋翔著翔字子飛崇安人爲張浚十  
客之一韋太后旣歸獻紹興樂府十二章

黃鍾律說八篇 彭絲著

胡氏律論 按熊朋來序曰上古造律其次聽律其後算  
律虞書周禮有聽律之官無算律之法六觚一拙自秦  
柱下史得此書以行於漢至今惟班馬猶可徵其餘言

上下生意同甄漢中以禮運旋宮著在算術因除如法而不免承後漢志之誤後志誤於京氏準法禮記疏亦與呂氏春秋淮南子同一說是上下生且不定何以算律哉律呂各自爲法則乾坤六體之序定矣同位娶妻隔八生子之象著矣倍因四因一損一益之算均矣若曰自子至午上生者七自未至亥下生者五旣非子午中分使丑午連并上生而三呂用倍之意荒矣後志十二律之實雜以算法而算家輒因仍用之以蕤賓夷則無射四因二除爲大呂夾鍾中呂之算非律生呂算例矣甄氏能辯其終於南呂之非而不自知襲用後志之誤也或謂大呂爲大呂之首從後志則大呂得算爲多

是不然陽得當位陰得對衡律生呂自林鍾始非先林鍾也乃所以先大呂也十二宮終於中呂非中呂之窮也當應鍾之次也是故天統以黃鍾人統以太簇地統宜以大呂而以林鍾抗林鍾於大呂之位所以配黃鍾而毋太簇則大呂夾鍾中呂在未酉亥之次皆從下生之算入呂則加倍有律之半所以必有呂之倍也知此則上下生之誤不足辯用倍者其本法不用倍者算家取疾約法其實一也若四清二變音者固亦疑之李照范景仁不能爭况陳暘以下託之空言乎樂器惟瑟有十二清而四清在其中不能通行於他器也吾觀中呂黃鍾之交知聲音有出於度數之外者無射之商夷則

之角夾鍾之羽中呂之徵若彈絲吹竹擊拊金石聲音  
至此流轉自若也算家以中呂求黃鍾彈其術而不能  
合乎十七萬七千一百四十七之算有以倍數四因之  
者則三分之不盡二算而虧數已多有以正數四因之  
者則亦一算不行而虧數且過半矣三分不行之算既  
未有以處之紀其餘力有不盡之處持未定之算而謂  
之黃鍾變律又推以爲林鍾太簇南呂之變甚者托名  
執始不自信其爲黃鍾縱使人得以窺算術之涯涘而  
黃鍾流行諸律本無間斷也算法之起殆因律管有長  
短此算家因律以命術非律命於算也猶之方田馬田  
生五穀豈知我爲圭竢弧環律以和聲豈知我爲正變



倍半皆算家命之耳故曰古之爲鍾律者以耳齊其聲  
後人不能始假數以正其度雅樂之不可興聲音之學  
不傳也古者自小學已教之六樂九數今耄且罔知豈  
惟算律哉若字音之學於儒者事最近而喉唇二音宮  
羽異說羽有喻母而或以從角音徵有知母而或以從  
商音矧曰其有能協于皇極之律呂哉昔西山蔡氏固  
疑呂氏春秋淮南子非本法本法則三呂用倍矣此書  
謂黍命於律律不命於黍吾於算法亦云又謂空闡九  
分乃算家內周非空中空九分也律有半呂有倍使用  
半用倍用正用變各有倫理凡以羽翼蔡氏之書非求  
異也當與本原辯證並傳無所事雅樂則已倘有志於

制作將於是不證焉先生深於卦象聲韻非止算律也  
姑以是傳世亦賢於漢中太守矣

樂律考 陸正著

九歌譜 十二月樂辭譜 吾衍著宋濂氏曰衍杭人也  
意氣簡傲不爲公侯屈色通聲音律呂之學善劄李賀  
詩工隸書尤精於小篆所著書有道書授神契說文續  
解石鼓註楚文音釋閭中編竹素山房詩世多傳之

樂府補題 仇遠唐珣等俱有此書

擬古樂府 麗則遺音 俱楊維禎著

宋饒歌鼓吹曲 謝翱著

李東陽樂府 東陽長沙人大學士

續文獻通考 卷之一百七十六

樂府類編

楚漢正聲

浦陽吳萊著

西溪樂府

姚寬著

雍熙樂府

楚府刻

草堂詩餘

集古名人詞調

明農軒樂府

殷士儋著

和稼軒詞

寧德陳汝玉著

琵琶記典

瑞安高明著因友人有棄妻而婚於貴家者

作此記以感動之思苦詞工夜深時燭焰爲之相交至

今猶爲詞曲之祖其餘傳記俱涉淫詞不載

小學

論語童蒙說

餘于柴中行著

韻補一部 吳棫惠字學訛誤作此朱文公據其說以協  
三百篇之音

女學 字義詳講 陳淳著門人陳沂等嘗錄其語號筠  
谷所聞瀨山所聞金山所聞皆淳書也

北溪字義解正 戴亨著

淳化法帖刊誤二卷 邵武黃伯思校

史學蒙求箋註 建安鄭儀孫著

蒙訓小學紺珠 小學諷詠 補註急就章 王應麟著

告蒙 虞復著

童子習 朱逢吉著

事偶語韻 凌緯著

續文獻通考卷之二百五十六

學訓 王洪具著

小學題辭 林起宗著

六書內外篇 季子續著

書學指南 唐懷德著

說文俗解 吾衍著

書義矜式 王克耘著克耘吉水人舉進士同知永新軍

書學纂要 袁德年著

墨林考 爾雅六義 正始之音 閩學 俱王栢著

九書辯 牟楷著

增註禮部監韻 毛晃著晃江山人宋時閉門著書留意

字學增註禮部監韻傳世

古音駢字

古音附錄

墨池瑣錄

書品

詞品

大書索隱

六書練證

古文韻語

古韻詩畧

說文先訓

韻藻

已上俱楊用修著

篆書考正辯僞

寧海王方塘仲芳著

韻府群玉

陰幼遇集

韻府群玉掇遺

華亭錢全衮著

字系

浦陽柳貫著

儀注

四時祭享禮

山陰杜衍著

士冠士婚饋食圖

趙彥肅著

高士送終禮

瑞安陳傳良著

冠婚喪祭圖 楊明復著 臨海人號浦城先生

明堂定制圖 姚舜臣著

內外服制 車經臣著

太常志 夏正著

墨莊祭儀 臨江劉清之著

儀禮圖十四帙 信安楊復著

冠服奠享儀注 黃學著 學字上文惠 安人嘉定戊辰進

士教授全州時著

大明集禮 本朝洪武三年成 凡五十三卷

禮制集要 洪武二十八年成

續編 洪武四年 命御史臺擬凡四十條

禮儀定式 洪武二十年 太祖命禮部尚書李原名等

著詳前 內府書

祭酒禮儀註 侍郎謝鐸著

家禮儀節 瓊山丘濬著

禮廷合藁 京泰中衍聖公孔承慶著

士儀禮畧舉要十卷 夏言著

明倫大典 嘉靖丙戌年 命儒臣賈宏楊一清桂萼纂

修凡二十四卷初名大禮全書

議禮成典 嘉靖十五年廖道南言臣纂修議禮成典自

天地日月神祇 帝王社稷禘祫先師先農諸禮分類

成書首冠祀壇圖址 宸翰詩歌中禮儀樂器樂舞樂

續文獻通考 卷之一百七十六

九



草末 諸王表箋群臣疏頌咸自 聖裁今 九廟肇  
成謹撰禋頌九章上獻 上以其書畀史館

史 正史

五代會史二十卷 耿秉著出處見前  
唐志二十一卷 王沿著沿館陶人舉進士累官龍圖閣  
直學士好建明當世事所著又有文集二十卷

唐史記七十五卷 孫甫著甫陽翟人少好書日誦數千  
言舉進士累官右正言時事多所建明官至天章閣待  
制所著 有文集七卷

續唐書若干卷 永新龍森著理宗謂其扶持正統得  
雍皇極經世之學

南北史三十卷 金蔡珪著珪字正甫真定人進士仕  
至澠州刺史合沈約蕭子顯魏收宋齊北魏志成此書  
續後漢書九十卷 郝經自序曰晉平陽侯相陳壽故漢  
吏也漢亡仕晉作三國志以曹氏繼漢而不與昭烈稱  
之曰蜀鄙爲偏霸僭僞於是統體不正大義不明紊其  
綱維故稱號議論皆失其正哀帝時滎陽太守習鑿齒  
著漢晉春秋謂三國蜀以宗室爲正魏雖受漢禪尚爲  
篡晉蜀平而漢始亡上疏請越魏繼漢以正統體不用  
宋元嘉中文帝詔中書侍郎裴松之採三國異同凡數  
十家以証壽書補其缺漏辯其舛錯績力雖勤而亦不  
能更正統體歷南北隋唐五季百有餘歲列諸三史之

後不復議爲也宋丞相司馬光作通鑑始更蜀曰漢仍以魏紀事而昭烈爲僭僞至晦菴先生朱熹爲通鑑作綱目黜魏而以昭烈章武之元繼漢統體始正矣然而本史正文猶用壽書經嘗聞縉紳先生餘論謂壽書必當改作竊有志焉中統元年詔經持節使宋告登寶位通好弭兵宋人館留儀真不令進退乃破稿發凡起漢終晉以更壽書作表紀傳錄諸序議贊十二年夏五月借書於兩淮制使殷應雷得二漢三國晉書遂作正史以裴註之異同通鑑之去取綱目之義例參校判定歸於詳實以昭烈纂承正統魏吳爲僭僞十三年十月書成年表一卷帝紀二卷列傳七十九卷錄八卷六十九

卷號曰續後漢書奮昭烈之幽光揭孔明之盛心祛操丕之鬼蜮破懿昭之城府千載之蔽一旦廓然矣

遼史本記三十卷志三十一卷表八卷列傳四十六卷

金史本記一十九卷志三十九卷表四卷列傳七十三卷  
宋史本記四十七卷志一百六十二卷表三十二卷列傳

世家二百五十五卷 至正二年中書右丞相脫脫等

同史臣纂修 楊維禎宋遼金正統辯畧曰自我世祖

皇帝立國史院嘗命承旨百一王公修遼金二史矣宋

亡又命詞臣通修三史矣延祐天曆間屢動詔旨而三

史卒無成書者豈不以三史正統之議未決乎其議未

決者豈不以宋渡於南之後拘于遼金之抗于北乎吾

嘗究契丹之有國矣自灰牛氏之部落始廣其初枯骨  
化形戴豬服豕荒唐惟誕中國之人所不道也八部之  
雄至於阿保機披其黨而自尊迨耶律光而其勢寔盛  
契丹之號立于梁眞明之初大遼之號後改於漢天福  
之口自阿保機訖于天祚凡七主歷二百一十有五年  
夫遼固唐之邊夷也乘唐之衰草竊而起石晉氏通之  
且割幽燕以與之遂得窺釁中夏而石晉氏不得不亡  
矣議者以遼承晉統吾不知其何統也再考金之有國  
矣始於完顏氏實又臣屬於契丹者也至阿骨打苟逃  
性命於道宗之世遂敢萌人臣之將而篡有其國僭稱  
國號於宋重和之元相傳九主凡歷一百一十有七年

而議者又以金之平遼克宋帝有中原而謂接遼宋之  
統吾又不知其何統也議者又謂完顏氏世爲君長保  
有肅慎至太祖時南北爲敵國素非君臣遼祖神冊之  
際宋祖未生遼祖比宋前興五十餘年而宋嘗遣使卑  
辭以告和約爲兄弟晚年且遼爲翁宋爲孫矣此又其  
說之曲而陋也天之曆數自有歸代之正閏不可紊于  
載曆數之統不必以承先朝續亡主爲正則宋興不必  
以膺周之禪接漢周之閏爲統也朱子綱目於五代之  
年皆細註於歲之下其餘意固有待於宋矣有待於宋  
則直以宋接唐統之正矣而又何計其受周與禪否也  
中遭陽九之厄而天又不滅其社稷瓜瓞之系在江之

南子孫享國又凡百五十有五年金泰和之議以靖康  
爲遊魂餘魄比之昭烈在蜀則泰和之議固知宋有遺  
統在江之左矣而金欲承其絕爲得統可乎好黨君子  
遂斥紹興爲僞宋吁吾不忍道矣張邦昌迎康邸之書  
曰由康邸之舊藩嗣宋朝之大統漢家之厄十世而光  
武中興獻公之子九人而重耳尚在茲惟天意夫豈人  
謀是書也邦昌肯以靖康之後爲遊魂餘魄而代有其  
國乎邦昌不得革宋則金不得以承宋是後宋之與前  
宋則東漢前漢之比耳而又可以僞斥之乎此不得以  
南渡爲南史也明矣且世祖平宋之時有過唐不及漢  
宋統當絕我統當續之喻是世祖以曆數之正統歸之

於宋而以今日接宋統之正者自屬也故私著其說爲  
宋遼金正統辯以俟千載綱目之君子云

初世祖立國史院首命王鶚修遼金二史宋亡又命史  
臣通修三史延祐天曆之間屢詔修之以義例未定竟  
不能成至正三年命脫脫爲都總裁鐵木兒塔識張起  
巖歐陽玄呂思誠揭傒斯爲總裁官修之或欲如晉書  
例以宋爲世記而遼金爲載記或又謂遼立國先於宋  
五十年宋南渡後常稱臣於金以爲不可待制王理者  
祖謝端之說著三史正統論欲以遼金爲比史太祖至  
靖康爲宋史建炎以後爲南宋史一時士論非不知宋  
爲正統然終以元承金金承遼之故疑之各持論不決



詔遼金宋各爲史凡再閱歲書成上之凡舉例論贊表奏多玄屬筆云

按謝端辯宋遼金正統有曰正閏之論端雖不敏請以本末言之夫耶律氏自唐以來世爲名族延及唐末朱溫篡唐四方幅裂遼太祖阿保機乘時而起服高麗諸國并燕雲以北數千里與朱梁同年即位是歲丁卯至丙子建元神冊在位二十年其子德光嗣位是歲丁亥唐明宗天成二年也德光後號太宗當天顯十一年河東節度使石敬瑭爲清泰帝來伐遣使求救於遼奉表稱臣仍以父禮事之太宗赴援因以滅唐石氏稱晉遂以燕雲十六州獻于遼仍歲貢帛三十萬是天福七年

晉高祖殂出帝嗣位大臣議奉表稱臣告哀於遼景延  
廣請致書稱孫而不稱臣與遼抗衡太宗舉兵南下會  
同九年入汴以出帝爲負義侯遷黃龍府石晉遂滅大  
同元年太宗北還仍以蕭幹劉府河南劉知遠在河東  
乘間而發由太原及汴自尊爲帝及乎宋受周禪有中  
原一百六十餘年遼爲北朝世數如之雖遼之封域偏  
於宋較其兵力而澶淵之戰宋幾不守因而割地連和  
歲貢銀絹二十萬兩足約爲兄弟仍以世序昭穆降及  
晚年遼爲翁宋爲孫及至天祚金太祖舉兵平遼克宋  
奄有中原三分之二子孫帝王坐受四方朝貢百有餘  
年今以劉石等比之愚故不可不辯也夫劉淵石勒皆

晉之臣庶叛亂國家以臣代君縱能盜據一隅僭至姚泓終爲晉將劉裕所虜新建康市竒作載記理當然也完顏氏世爲君長保有廟慎至太祖時南北皆爲敵國素非君臣若如或所言金爲載記未審遼史復如何爾方遼太祖神冊之際宋太祖未生遼祖比宋前興五十餘年已即帝位固難降就五十年之後包於宋史爲載記其世數相懸名分顛倒斷無此法旣遼之世際宋不可前則金有中原尤難別議以公論處之據五代相因除莊宗入汴復讐伐罪理勢可觀外朱梁篡逆甚於王莽石晉因遼有國終爲遼所虜劉漢自立父子四年郭周廢湘陰公而立以五代之君通作南史內朱梁名分

猶恐未應遼自唐末保有北方又非篡奪復承晉統加之世數名位遠兼五季與前宋相次而終當爲北史宋受周禪平江南牧西蜀白溝迤南悉臣於宋傳至靖康當爲宋史金太祖破遼克宋帝有中原百餘年當爲北史自建炎之後中國非宋所有宜爲南宋史端遂寧人  
續後漢書七十三卷 刊定三國志六十五卷 張樞著  
樞金華人聰慧爽朗於書無所不讀嘗譏宋高宗忘親事仇而不爲定復兩宮之計宋室遺老存者無不慨歎所著二書是非予奪悉有論著名曰訓志藏於宣文閣

史 編年

資治通鑑舉要補遺一百卷 胡安國著

續文獻通考 卷之二百七十六

宋朝長編綱目 太學生陳均編類理宗以其有益治道

詔補迪功郎

徽宗長編 高斯得著

帝王經譜 熊克著克建陽人紹興中進士博學強記著  
述外無他事

通鑑外紀 十國紀年 高安劉恕著

帝王曆數 王栢著

續大事記 孫德之著

通鑑前紀 金華戴良著

歷代帝纂要譜括 孫應符著

皇朝大事記 治迹要畧 呂中著中字時中晉江人淳

祐中進士嘗言人能正心則事不足爲人主能正心則天下不足治晚徙汀州卒

帝正紀年通錄 南安李沂集

左氏國語史紀年紀 徐夢莘著莘清江人百家過目成誦紹興 舉進士安貧樂分官至通直郎致仕所著又有柳江志

歷代史年表二十卷 張紱著紱清江人強記博覽爲文敏而純粹紹興中舉進士

續通鑑長編 張沿著沿清江人從朱熹學嘉定初舉進士累遷著作佐郎直秘閣平生用力於敬聞一君子進用則喜見顏色

宋編年備考 鄭性之著性之閩清人嘉定四年舉進士  
第一終叅知政事觀文殿學士

編年通載十卷 章衡著衡浦城人嘉祐初進士第一

元統二十卷 林陶著陶閩縣人景德中中捷詞科

唐直鑑 江休復著休復陳留人仕爲刑部郎中修起居  
注爲人外簡曠而內行甚飭其文章醇雅尤善于詩所  
著又有春秋世論及文集若干卷

歷代統紀 陳著撰著字子懋德剛子也別號本堂登文  
天祥榜進士咸淳中通判臨安後隱居四川之奉川撰  
是書以淑子弟

續資治通鑑 金衛紹王大安中詔儒臣楊雲翼等纂修

歷年紀事記 張特立著特立爲元偃帥主簿遷洛陽令  
通鑑前編 蘭溪處士金履祥著嘗以劉恕外紀記司馬  
氏通鑑以前事不本於經舛繆不可信乃斷自尚書旁  
採子史損益之

歷代編年 胡一桂著

通鑑續編 奉化陳桎著桎自束髮受父書思弘先人之  
業乃著筆記二百卷又上論盤古逮于高辛會于有宋  
比事較義尊正統以定大分其紀年師司馬光補遺其  
書法師朱文公綱目名曰通鑑續編

宋孝宗實錄 高斯得著

江少明外制十卷 江常著常字少明惠安人崇寧丁進士



居官有平寇功又有文集二十卷

中書制集 翰林制集 盛度編

劉氏制誥集 劉安上編

元豐聖制三卷 舒亶著

中書制藁五卷 陳從易著從易字簡夫晉江人性激直

與王欽若丁謂不絕而亦不阿其意

霍少師內制三十卷 霍端友著端友武進人崇寧二年

狀元累官吏部侍郎以通議大夫致仕贈少師

兩漢詔令 洪咨夔編

掖垣制草 俞列著 黃宜亦著

周子承宣集 周諤著

牟子才內外制 牟子才輯

李端州外制 李彌遜著 彌遜由連江徙吳縣弱冠登第  
紹興初遷起居郎與秦檜不合致仕號筠溪真隱

尤學士內外制三十卷 無錫尤袤著 袤紹興進士爲秘  
書丞孝宗稱其才識近世罕有累官直學士院

徐學士內制十卷 徐鳳著

顏氏內外制 顏棫著

遼統和實錄二十卷 室昉著 昉字慶奇南京人統和中  
進此書手詔褒之

遼先朝事迹二十卷 蕭韓家奴著 家奴字休堅涅刺部  
人重熙十三年詔與耶律庶成錄遙輦可汗至重熙以

來事迹集爲二十卷進之

遼皇朝實錄七十卷 耶律儼修儼字若思析津人壽隆

間授樞密直學士

太安元年十一月史臣進太祖以下七帝實錄儼即儼所進也

金先朝實錄三卷 完顏勗修皇統元年進

金太祖實錄 宗弼修皇統八年進

金太宗實錄 紇石烈良弼修天德七年進

金睿宗實錄 大定十一年尚書左丞紇石烈良弼所進

金世宗實錄 明昌四年七月國史院所進

金章宗實錄 興定四年九月國史院所進王若虛修

金宣宗實錄 正大五年十一月國史院所進王若虛修

元世祖實錄 姚燧修

元成宗實錄 雍德純修 河南志謂暢師文修蓋共成之也

元成宗實錄 至順元年蘇天爵修

歷朝詔令四卷 制誥五卷 虞廷碩著廷碩字君輔元建安人

開皇記三十卷 鄭向著向陳留人舉進士甲科累遷龍圖閣直學士五代亂亡史冊多漏失向著開皇記撫拾庶事頗有補焉

咸平聖政錄 錢惟演著

宋朝類院等書 江少愚著少愚常山人政和中進士歷建饒吉三州守治狀皆第一

史通 黃度著度新昌人隆興進士累官煥章閣學士

東都事畧 戴栩著栩溪族子爲學士

九國世家列傳 路振著振祁陽人幼穎悟淳化初舉進士採五代史九國君臣事作世家列傳

四朝史稿 牟子才著

補史 秦和劉子澄著澄有史才

蜀漢本末 趙居信著

東晉書二卷 藁城張延著

九華外史 楊少愚著少愚青陽人少好學博通群書

蜀漢書 翁甫著甫字景山崇安人孝宗時登進士第立

朝論事切直出知隆興府

高宗紀事本末 建陽熊克著

宋高聖政編要 四明史彌遠著

漢武外傳 吳越記 謝沉著

史編雜著 陳震著

蒙史 新淦曾三英著

四朝聞見錄 葉紹翁著 後

唐史贅龐 陳宓著 宓字師復 俊卿之子 少嘗登朱文公

門 寶慶二年直秘閣主管崇禧

楚史檇杌 晉文春秋 吾衍著

漢本紀 魏吳戴記 續後漢書七十三卷 宋季逸事

俱東陽張樞著

大明日曆 洪武七年 命宋訥樂韶鳳等修

皇明寶訓 洪武七年 命宋濂等輯自敬天至蠻夷分

四十類凡五卷

洪武聖政記 洪武八年宋濂等編

元史 太祖先 命李善長宋濂王禕等修後 命宋濂

等編修

續資治通鑑綱目 成化十二年成

歷代通鑑纂要 弘治中 命儒臣李東陽等纂輯九十

二卷

元史本末 謝鐸著

續編宋元通鑑綱目 世史正綱 瓊山丘濬著

續東萊大事記七十九卷 義烏王禕著禕字子充國初

翰林待制承旨

皇明政要 弘治十六年南京兵部郎中婁性編

玉雪齋稿 金壇虞謙著

元史續編 張九韶著韶臨江人

皇明聖政記 皇明本記 國初事蹟 奉天靖難記

劉宸著宸金華人

皇明翊運錄 青田劉基著

平吳錄 太和楊士奇著

建文遺蹟 清江張芹著

革除遺事 太和黃佐著



吾學編

徵吾錄

今言

海鹽鄭曉著

皇明憲章錄

武進薛應旂編

國朝典故輯遺

夏邑梅純著

孤樹哀談

建安李默著

傳信錄

順德梁億著

天順日錄三卷

南陽李賢著

元史舉要

通綱集覽正誤

俱右贊善陳濟著

歷代一覽

盧文政著文政江夏人

釋統三篇

臨海方希古著

諸史會編

左編

史例

俱劉子玄著

道學傳

列國世家史補

宋季三朝政要

史評

前後漢記

舒雅編纂雅旌德人舉進士爲秘閣校理

兩漢索隱

浮梁程瑀著瑀政和間進士所著又有周禮

議尚書說

五代史集註

徐無黨著無黨永康人皇祐間進士仕至

郡博士歐陽公常稱其文

通鑑解題通釋

呂祖謙著

史記集解

姚寬撰

十七史綱目

奉化舒津著

唐史音義六十卷

同安呂科著

漢官唐書傳註補註音訓總三百卷

徐次鐸著鐸東陽

人紹熙中進士通判衢州

補註唐書二百卷 李繪著繪中州人舉八行不赴以文

史自娛

諸史精考 丁黼著黼石埭人真德秀嘗薦於朝除秘閣

史記牴牾論 趙瞻著瞻盩厔人舉進士調孟州司戶叅

軍累遷同知樞密院事

資治通鑑綱目發明五十九卷 尹起莘著起莘遂昌人

隱居不仕學問該洽

通鑑筆議 戴溪著 又著史鑑論斷諸書

史傳集論 胡希是著

史論百篇 林槩著槩福清人舉進士知長興縣官至太

常博士又有辨國語四十篇

兩漢博議 王遇著遇龍溪人師事朱熹登進士田科歷國子博士

通鑑筆議

華亭葉汝舟著汝舟登

進士所著詩文

藏於家

史記註一百卷

金蕭貢著貢字真卿咸陽人好學讀書

至老不倦官至戶部尚書

音註資治通鑑

胡三省註

正統八例

楊奐著奐奉元人學者稱紫陽先生以耶律

楚材薦拜河南廉訪使其八例曰得曰傳曰襲曰復曰與曰陷曰絕曰歸

通鑑總論

潘榮著

唐史篤論

黃鉞著

西漢精義

唐史精義

俱唐仲友著

史論百篇

徐綱著

通鑑集義

輔廣著

通鑑綱目集覽五十九卷

王幼學著幼學望江人苦朱

子綱目援引幽邃句讀疑難乃博採經傳者爲此書以便學者

通鑑綱目附釋

宋太史曰孔君克表歷攷義例異同凡

朱子微意先儒所未發及發之而未當者備疏其綱之在目中音義事證及名物度數之屬仍取史昭胡三省

王幼學三家會萃群書而析衷之通成若干卷

續史攷十二卷 井研李心傳著

讀史補遺 沈津著

漢史評 徐雄著

唐書糾繆 徐次鐸著

春秋漢唐史志解 晉江楊景陸著

史論三卷 朱金發著金發字冕仲福清人嘗作天人相

與交際論見稱於陳傅良

通鑑綱目朱墨 林文之著文之字子彬福清人爲古文

易高古學者皆宗師之

史評八卷 譚世選著

史統史旨 邵武上官惜著

宋鑑提綱 陸以道著以道無錫人明易經邇程朱之源  
得象外旨趣至正中官翰林侍制

綱目考異 汪克寬著克寬祁門人少穎悟力學隱居教  
授號環谷先生

綱目測海 何中著中樂安人以古學自任弘深該博

通鑑綱目書法五十九卷 永新劉友益著積勤三十年  
寸較銖評微詞隱義啓發千載中有無窮之憂揭後斯  
稱之曰百世之下先生此心先生不作山高水深

通鑑論斷 吉水周祿著

史評 趙居信著

坦齋史說

黃學行著

通鑑表微

莆田方澄孫著

通鑑書法

郝經著

歷代史議

黃舜祖著出處見前

史評一卷

德安戴羽著虞集爲序

史評講義雜著三十卷

廬陵蕭志仁著藏于家

史論

杜幼節著

通鑑新義

梅時舉撰

覽古史斷

何侑撰

讀史

李孟傳著

史述

漢史砭

三史纂

舒岳祥著

續文獻通考

卷之二百七十六



歷代史鈔 楊維禎著

觀史治忽幾微 東陽處士許謙著

史論三十卷 王約著約字之先汴人徒真定風格不凡

博覽經史工文詞至元中官國史院編修官監察御史

辨史十六則 黃文獻著詳見本集

讀史衍義 熊本著

史辯三十卷 分寧雷光霆著

史學統記一卷 宋潛室曰軍器監游曾天麟著未及成

而沒其子順補完之

西漢奇語 光澤劉剛中集

左史節定 嘉靖三年太康儒士安都撰奏 世宗怒燬

其書

史斷 吳縣徐有功著

宋史要言 臨海方希古著

宋元臆見 何叔丘著

簡端學史二錄 邵文莊著

宋史臆見 廣昌何喬新著

史說 安陸萬鵬著

讀綱目管見 晉江蔡清著

史輯 豐城朱善著

史畧類訓 宋元史畧 新喻梁寅著

史記要記 常熟張洪著

史抄

歷代記要五十卷 劉希古著希古 寧人博通經史旁

究陰陽象緯等書

涉史隨筆 葛洪著洪東陽人從呂祖謙學登淳熙進士

歷官至觀文殿大學士高風勁節追媲古人

讀史隨筆五卷 奉化舒肆著

兩漢筆記 淳化錢時著

諸史節畧 福安王士奇著

通鑑隨筆 陳壇著

通鑑手抄 何淡著淡東陽人嘉泰間以上舍釋褐歷官

國子承秘書郎恬靜好學所著又有賢閒漫錄

編年史要

饒子儀著子儀臨川人九歲能詩力學不倦

漢史意抄

書史續抄

劉元高著元高高安人幼有異

質一目十行與姚勉胡仲雲號高安三俊後登淳祐進

士

東都事畧一百三十卷

王稱撰稱賞之子學問該博初

除直秘閣後爲吏部郎中

西漢南北史左氏綴節

宣城陳天麟著天麟紹興中進

士累官翰林修撰

考異三卷

左傳國語要畧十卷

廣德沈虛中著

三朝北盟舉要一卷

莆田鄭可學著

十七史詳節

家塾通鑑節要

呂祖謙著

十三代史畧 夏鴻著鴻池州人與弟鵬同撰士多宗之  
十七史纂 胡一桂著

五代史畧 胡旦著旦濱州渤海人博學能文善讀書既  
喪明猶使人誦經史隱几聽之

資治通鑑節要 江贊著贊崇安人隱居不仕因太史奏  
少微星見詔舉遺逸二聘不起賜號少微先生

通鑑要覽 崔敦詩著又有文集制稿奏議制海韻鑑等  
書

通鑑小錄 正統五德類編 永新馮翼翁著

史故事

唐三宗傳三百餘卷 胡旦著

南唐近事二卷 寧化鄭文質著

君臣龜鑑六十卷 詹祥著祥字周文崇安人祥符中進

士

南宮事迹三卷 王延德著延德開封東明人好撰集舊  
事所著又有司膳錄版築記凡若干卷

備史遺事 錢儼輯

宋朝綱集三十六卷 江默著默字德恭崇安人乾道中  
進士嗜好詩書爲朱文公所稱此書考本朝典章爲之  
又有易訓解四書訓詁六卷

宇宙畧記 車若水著若水黃巖人師事金華王柏講明  
性理博學工古文自號玉峯山民又有玉峯冗稿

續文獻通考

卷之二百七十一

歷代褒封先聖事實 黃學行著學行字上文惠安人登  
嘉定戊辰進士第教授全州時疏之以上

漢唐龜鑑 奉訓胡价著

往事龜鑑五十卷 鄧至著至雙流人通六經學者從之  
甚衆每出市邑人皆拱立

朝制要覽 宋咸著

皇王大訓 徐宗度浦城人善議論通經史所著皇王大  
訓曰古今帝王之道與其爲治之具盡在是矣

皇鑑前後錄 寧德林嗣著嗣少穎悟清修苦學博極群  
書德祐丙子以易魁鄉薦著述甚富

講堂故事 劉燾著燾建陽人受學朱熹呂祖謙乾道中

進士著作工部尚書無左諭德表章朱熹四書以備初講

中興要覽 嘉興聞人宏著

諸經義方 林洪範著洪範閩縣人累舉不第教弟子

高宗政範 龍溪余嘉著

崇志世範書 洪邦直著皆其政教所寓也

乾道會要 高曇修曇長溪人紹興末進士爲孝宗所眷  
汪所著又有易說并詩文數十卷

郡國手鑑 掌禹錫著

家訓集鑑 南安蔡寔發著

水心鏡一百六十七卷 韓彥直著彥直世宗子撫宋朝



事類分爲目

孝宗寶訓 紹興求賢手詔 史彌遠著

藝祖憲鑑 仁皇從諫錄 乾寧會稽錄 黃度輯

南宮故事 丘仲孚輯

中興龜鑑 林保著

胸山治範 劉夔著 夔福州人知胸山縣治簿書恤孤寡  
作陂池教種藝手賦役抑奸猾所以惠民者無不至此  
書乃邑人所以紀其事者也

牟氏故事 牟子才輯

案抄 洪咨夔輯

唐山遺事 凌緝輯

虜使問答

錢塘遺事

趙彥桓輯

帝王總要

婁機撰

勸戒元龜

鄭鄂著鄂字剛中鄞人紹興三十年進士仕

至屯田郎寧宗在英邸兼小學教授因進此書

刊正杜佑通典

高斯得著

續言行錄

姚希得著希得字逢原潼川人嘉定十六年

進士官至贈少保

坤鑑

趙汝讜汝談集歷代皇后事號曰坤鑑進寧宗楊

皇后后頗尚之

萬年龜鏡錄

金靖海師安石所著

瑤山往鑑

金楊伯雄著伯雄藁城人舉進士為右補闕

顯宗在東宮時伯雄爲少詹事集古太子賢不肖爲書  
四朝聖訓 金章宗承安五年右補闕楊廷秀請類編太  
祖太宗世宗三朝聖訓以時觀覽因詔增熙宗爲四朝  
龜鏡 君臣政要 金哀宗正大元年詔趙秉文楊雲翼  
纂

大定遺訓 金哀宗正大四年萬年節同知集賢院史公  
奕進

興亡金鏡錄一百卷 金傅慎微纂慎微字幾先沙溪人  
胥訓誥文三卷 黃邦俊知英州時集古今廉吏事以  
其僚友郡吏

金閨彞訓八卷 丁儼編

帝王心法

真定詹思著

讀史纂要

崇德衛富益著

漢唐會要

黃巖孟夢恂著

唐事類編

李大同著

諸史類考

田君祐著

西漢通記

呂思誠著

集史類纂

寧德韓信同著

史纂

王應著

經史大典八百八十卷

目錄十二卷

公牘一卷

纂

修通議一卷

天曆二年冬命趙世延虞集等修撰其書

悉取諸有司之掌故而修飾潤色之通國語於爾雅去

吏牘之煩辭上進者無不備書遺亡者不敢擅補於是定其篇目凡十篇曰君事四臣事六君臨天下名號最重作帝號第一祖宗勲業具在史冊心之精微用言以宣詢諸故老求諸紀載得其一二於千萬作帝訓第二風動天下莫大於制誥作帝制第三大宗其本也藩服其文也作帝系第四皆君事也蒙古局治之設官用人共理天下治其事者宜錄其成故作治典第五疆理廣袤古昔未有人民貢賦國用係焉作賦典第六安上治民莫重於禮朝廷郊廟損益可知作禮典第七肇基建業至於混一告成有績垂遠有規作政典第八政刑之設以輔禮樂仁厚爲本明慎有要作憲典第九六官之

職工居一焉國財民力不可不慎作工典第十皆臣事也

元朝名臣事畧十五卷 蘇天爵著爵字伯修趙郡人弱冠時即有志著書初爲胄子時講誦有餘暇筆札又富乃博取中朝鉅公文集而目錄之凡有元臣世卿墓表家傳往往見諸篇帙中及夫閒居紀錄師友講說于元初以來文獻有足徵者彙而萃之始疏其人若干屬以其事

國朝名臣事畧 俱謝鐸著

續文獻通考卷之一百七十六卷終

續文獻通考卷之一百七十六